



ACEB

ARCHIV CULTURAL
ENGIADINA BASSA

Protocol da la radunanza generala dals 12 mai 2023 a las 16.00h i'l ACEB a S-chadatsch/Strada

I sun preschaintas 38 personas. S-chüsats s'han l'antierur president da l'ACEB dr. Domenic S-charplatz, dr. Jon Domenic Parolini, actual cusglier guvernativ, ils archivars Cla Rauch ed Armon Parolini, Carolina Bearth, Jon Duri Vital, Flurinda Raschèr ed Armon Kirchen sco rapreschantant dal cumün da Valsot.

1. Bainvgnü

Il president Jon Duri Tratschin ha pudü drivir punctualmaing la radunanza generala da l'ACEB in nosssa „nouva“ veglia dmura a S-chadatsch chi'd es actualmaing immez la renovaziun. Ün salüd special va a dr. Reto Mengiardi, chi'd ha cun sia rait da colliaziuns güdà pro in möd decisiv a gnir insembel culs raps bsögnaivels a man da la Fundaziun ACEB. Implü vain salüdà Jon Carl Rauch, president da la Fundaziun ACEB sco eir ils ulteriurs commembers dal cussagl da fundaziun Jonpeider Strimer e Daniel Bulfoni.

L'invid es gnü protramiss per posta. Il protocol da la radunanza generala dals 3 gün 2022, il rapport annual 2022, il rendaquint 2022, il rapport da revisiun e'l preventiv 2023 as rechattan eir sülla pagina d'internet.

Guolf Regi vain tschernü sco scrutinadur.

- La glista da tractandas vain acceptada unanimamaing.

2. Protocol

- Il protocol da l'ultima radunanza generala vain acceptà unanimamaing.

3. Rapport annual 2022:

- **Società:** Per la fin dal 2022 sun registrats 151 commembers/commembras da l'ACEB, (123 personas singulas, 22 famiglias/conjugals e 6 personas giuridicas).
- **L'ultima radunanza generala** ha darcheu gnü lö sco üsità i'l Archiv a S-chadatsch. Davo las tractandas statutaricas ha Chasper Pult referi sur da «Duri Chiampell e sia descripziun topografica da las trais Lias».
- **Fundaziun ACEB (F-ACEB):** Davo la fundaziun in lügl dal 2019 esa reuschi da gnir insembel cul import finanziel per realisar nos intent, nempè la cumprita

da l'object chasa da scoula veglia a S-chadatsch. Il cuntràt da cumprita cul cumüna da Valsot es gnü suottascrit als 11 mai 2022 ed ha dat glüm verda per cumanzar cullas prümas lavurs previsas, nempè da rimplazzar il s-chodamaint d'öli tras ün s-chodamaint geotermic. Implü s'haja realisà plüssas lavurs da sanitari, d'elektriker e da falegnam. In ün prossem pass s'haja realisà la sanaziun da las tualettas e l'isolaziun dal palantschin. In üna seguonda etappa esa lura previs d'isolar las fatschadas e da rimplazzar las fanestars. La finanziaziun da quist pass nun es pel mumaint amo garantida.

- **Ocurrenzas e lavur publica:**

- Als 13 october ha gnü lö illa chasa da scoula a Ramosch ün referat da dr. Jon Mathieu cul tema «Il chastè crouda! – 400 ons d'istorgia ramoschana!»
- L'ACEB es stat preschaint als 23 lügl cun ün stand a la «Festa sül stradun» a Scuol.

- **Lavur d'archivar:** Ils archivars han prestà d'ürant il 2022 insembel 1151 uras da lavur. Grazcha fich a Beat Hofmann, Armon Parolini, Mario Pult, Cla Rauch, Peder Rauch e Jon Duri Tratschin; entradas da documainta -> guarda pagina d'internet (www.archivcultural.ch/documainta/).

L'archiv es gnü visità da personas cun interess privat ed eir da personas chi fan lavurs in connex cun lur scolaziun o chi prevezzan da far publicaziuns o exposiziuns davart temas istorics chi pertoccan nossa regiun.

- **Cumgià:** In algordanza da noss fidels commembers Richard Marugg e Cla Sarott e da nossa commembra duonna Nesa Rauch, chi'ns han bandunats per adüna d'ürant l'ultim on, giavüscha nos president ün mumaint da quietezza. El tira adimmaint eir a la mort da la manadra da l'Archiv cultural d'Engiadin'Ota, duonna Dora Lardelli chi a seis temp ans ha dat grond sustegn pro la fundaziun da nos archiv.

➤ Il rapport presidial 2022 vain fat bun unanimamaing.

4. Quint annual 2022:

Il chaschier Beat Hofmann preschainta cuort ils detagls dal rendaquint 2022.

Il chantun ans ha sustgnü cun üna contribuziun da fr. 9'000.- La Regiun EBVM ans sustegna inavant cun üna contribuziun annuala da fr. 20'000.- ed ils cumüns da Scuol, Valsot, Zernez e Samignun cun ün total da fr. 1'200.-. Las contribuziuns da commembranza s'amuntan a fr. 5280.-

Il quint da l'on 2022 serra cun üna perdita da fr. **5'334.33** pro entradas da fr. **35'915.32** e sortidas da fr. **41'249.65**. Motivs per la perdita resultan tras l'augmuint dad uras dals archivars e tras ils cuosts per la cumprita dad öli da s-chodar.

5. Rapport da revisiun:

Ils duos revisurs da quint Duri Janett e Duri Valentin conferman cha la contabilità saja manada in uorden e propuonan da dar dis-charg al chaschier ed a la suprastanza. Grazcha fich a Beat Hofmann ed a Josef Jenal, chi ha surtut eir quist on da far la contabilità.

➤ La radunanza fa bun il rendaquint 2022 unanimamaing.

6. Preventiv 2023:

Il preventiv prevezza ün s-chavd da fr. 5'280.00

La suprastanza propuona da laschar las contribuziuns annualas da commembranza sco fin qua.

30.00 fr. persunas singulas

50.00 fr. famiglias e conjugals

100.00 fr. persunas juridicas dal dret privat o public

La radunanza accepta unanimamaing il preventiv 2021 e las cuntribuziuns annualas da commembers.

7. Varia:

Suot varia manzuna nos president diversas occurrenzas chi sun previsas d'urant l'on 2023:

- 8 gün a las 19.00 illa baselgia da Tschlin:
„Süls stizis da Duri Campell a Tschlin e Valsuot“, Preschantaziun da la nouva ediziun da l'ouvra „Topografia da la Retia alpina, 1573“
Referents: rav. Christoph Reutlinger, dr. Jon Mathieu e dr. Florian Hitz
- 25 avuost a las 20.00 illa baselgia da San Niclà: Referat sur da Giovanni Luzzi in occasiun dal 75avel on daspö sia mort. Referent: rav. Paolo Tognina, Puschlav.
- Film documentar davart l'hotelleria da bogns in Grischun (versiun cuorta es stat preschantada in favrer ill'emischiun Cuntrasts). Il film in tuotta lunghezza in lingua tudais-cha vain emiss sün 3 SAT als 18 gün a las 12.10

Cun quai cha suot «Varia» nu vain plü tut il pled, po nos president serrar la radunanza a las 16.45. El ingrazcha a tuots e tuottas chi güdan in l'üna o l'otra maniera pro per üna buna gestiun da nos archiv.

In seguit preschainta Curdin S. Brunold ün referat cul tema:

«Las musicas instrumentals in Engiadina e Vals dal süd – istorgia e svilup.»

Davo il referat es gnü offri ün aperitiv culla pussibilità da's inscuntrar, discutir sur da istorgia locala e dal referat dudi.

Ardez, 13 mai 2023, Curdin S. Brunold